

Suđenje za pokušaj ubistva braće Barešić u Zenici

Optuženi Pero Gudelj tvrdi da je bio žrtva, a ne napadač

Ranjeni u pucnjavi 25. jula 1997. godine u kafiću "Behar" • Okrivljeni Gudelj tvrdi da je bio žrtva reketa • Nastavak suđenja 18. marta

Pred Vijećem Kantonalnog suda u Zenici protiv Pere Gudelja iz Vitezā, zbog pokušaja ubistva braće Denisa i Ervina Barešića vodi se suđenje. Gudelj i braća Barešić učestvovali su u pucnjavi u zeničkom ugostiteljskom objektu "Behar" u julu 1997. godine.

Nakon što su Barešići bili optuženi za pokušaj ubistva, oslobođeni su te optužbe, da bi potom pokrenuli kontratužbu protiv Gudelja zbog pokušaja ubistva. Zenički advokat Almin Dautbegović zastupa optuženog Gudelja, a u izjavi za "Dnevni avaz" kaže:

- Moj branjenik je negirao na svjedočenju navode optužnice jer smatra da ćemo dokazati da je on žrtva, a ne napadač. Oštećeni Ervin Barešić je pravomoćno osuđen na tri i po godine zatvora zbog razbojništva nad mojim branjenikom.

Gudelj je izjavio da su mu u



Kantonalni sud Zenica: Pozvani očevici pucnjave u "Beharu"

"Beharu" prišli Ervin i njegov brat Denis, te da su mu tražili rekret. Nakon što je dao dio novca, odbio je isplatiti ostatak. Nakon toga izbjegavao je kontakt sa braćom Barešić, sve do susreta u julu 1997. godine kada se desila pucnjava - kaže Dautbegović.

Gudelj je tada, po svom iska-

zu na suđenju kojim predsjedava sudija Hilmo Ahmetović, otpuzao pogoden u nogu, nakon što je pogodio Barešiće. Iza jedne zgrade čekao je dolazak policije.

Suđenje će biti nastavljeno 18. marta ispitivanjem svjedoka događaja u kafani "Behar", kaže sudija Ahmetović.

A. Dž.